

۵ محرم ۱۳۳۰

﴿ صالٰی ﴾

۱۳ كانون اول ۱۳۲۷

نومرو ۸ — ۶

6-8

صوفیہ سیر

نسخہ سی ۱۰ پارہ در

حجرت

عرفای امتک مقالات متصوفانہ لرینہ جریدہ
صوفیہ نک صحیفہ لری آچیقدر .

آبونہ سی بر سنہ لک اعتباریلہ ممالک عثمانیہ ایچون
۱۰ و ممالک اجنبیہ ایچون ۱۵ غروشدر .

اعلانات و سائرہ ایچون مدیر مسئلہ مراجعت
ایدملیدر .

محل اداره باب عالی جوارندنہ ابوالسعود جادہ سندنہ
نجم استقبال مطبعہ سی

شیمدیلاک اون بش کوندہ بر نشر اولنور تصوفدن باحث دینی ترک جریدہ اسلامیہ سیدر .

اسلامیه نك هر وجهه امت اوزرندن حرجی یعنی شدتی رفع ایدوب سهولت و ساحتیه مقرون ایدوکی و ذکر اولان تحقیقندن ماعدا امت اسلامیه من قبل الله بر جوق خصایص جلیل ایلہ ممتاز اولدیغی معلوم و مباحث مخصوصه لریده مصرح اولوب بوراده یالکیز حسب المناسبه بر فرد مؤمنك درده قدر قادین الیلمسی و در دینك دخی عهده نکاحنده مجتمع اولسی مسئله سنك حکمتی بیان اولنه جق اولوب شویله که حکم توراۃ ایجابجه یعنی یهودیلرک تبدیل و تغییر ایلدکاری توراتدن قطع النظر غیر مبدل اولان توراک حکمی اقتضاسنجه بر ارکک عدد معینه منحصراً اولمقسنزین استدیکی قدر عهده نکاحنده قادین جمع ایده ییلور. بونده رجالک جهت مصلحتی تغلب اولنمشدر. چونکه فرعون ارکک چو جقلری قتل ایدر و قزلی ترک ایدر ایدی. بوجهته یعنی نسانك کثرتی و رجالک قتی حسبیه شریعت موسویه ده رجالک جهت مصلحتی تغلب اولنقی مناسبتی تحقق ایتشددر. شریعت عیسویه حکمنجه دخی بر ارکک بر قادیندن زیاده تأهل ایلک غیر جائزدر. بونده نسانك جهت مصلحتی تغلب اولنمشدر. چونکه حضرت عیسی علیه السلام بالاب یالکیز والده سنندن خلق اولدیغندن شریعت عیسویه ده حضرت عیسانك اصلی اولان والده سنك نوعی جهتنك مصلحتی تغلب اولنقی مناسبتی تحقق ایتشددر. اما شریعت اسلامیه درکار اولان اعتدالی جهتیه هر ایکی نوعك مصلحتی جهتیه رعایت ایتشددر. زوجانك درده تخصیص اولنمشنك حکمتی دخی انسانك طبایع اربعه می اولمسیدر. برده نکاحندن مراد الفت و موانست اولدیغندن و درت زوجهن زیاده اولور ایسه مقصد فوت اولوب اما درت اولور ایسه هر برینك زدیینه تقسیم شرعی ایلہ عزیمت ایلدیکی حلاله هر برنده اوچر کیجه غیوبت ایتسی لازم کلهرك بوده مدت جزئییه ایدو کندن اصل مقصود اولان الفت و موانسته خلل کلامسیدر.

مشو بخوان

علی فواد

تراجم

تا باتو بوم نخسبم از یاربها
تا بی تو بوم نخسبم از زاربها
سبحان الله که هر دو شب بیدارم
تا فرق نکر میان بیدارها

معنی: سنکله برابر اولورسم سرورمدن

سنسز بولنورسم ناله و اضطر امدن اویویم. سبحان الله! بن هر ایکی کیجه ده بیدار اولدیغ حالده شو بیدارقلر آره سنده کی فرقه دقت ایت! (بوم) کلهسی (بودن) مصدرندن مشتق مضارعك مفرد متکلمی ایسه ده نادر الاستعمالدر هله مفرد غائی اولان (بود) دن ماعداسی هیچ قولانناز.

دردنجی مصراعده کی (تا) — موقعه کوره — (دقت ایت، اکا اول، صاقین، اولیه که) کبی معناری مفید ادات نذیردر. دیگر (تا) لر (ایسه) معنانه ادات شرطدر.

امروز چوهر روز خرایم خراب
مکشا در اندیشه و بر کیر باب
صدکونه نمازست و رکوعست و سجود
ازا که جمال دوست باشد محراب

معنی: بوکونده هر کونکی کبی خراب اندر خرابز. باب اندیشه کی سد ایدوب اسباب عیش و صفادن اولان ریائی اله آل. دیدار دایداری محراب اعتبار ایدنلرک (وجد، استغراق، سماع، حالت، رقص و حرکت کبی) بر جوق نماز و رکوع، سجودی — وسائر اوضاع عبودیتیری — وارد

حقیقت محمدیه

صاحب هر کالت افندیمر اکمل موجودات اولدقلرندن بوسبیدن امر وجود ذات سنیه لرله بدأ وینه ذات پیغمبریه لرله ختام پذیر اولمشدر. زیرا واقف عالم لاهوت افندیمرک حقیقت و تعینی، جامع جمیع حقایق الهیه و کونیه در. و وجود بشر عنصریسی مظهریت کایه ذاتیه ده متعیندر. یعنی حضرت فخر کائنات تعینات الهیه نك تعین اولیدر که ذات احدیه آنکله متعین و بو تعین جمیع تعیناتدن اقدمدر. بوده جمیع تعیناتك مبدأ و منشی و کافه سنه شاملدر. بومرتبه نك فوقنده ذات احدیه مطلقه دن غیری بر مرتبه قدسییه بولندیغندن بدایت تعینده اکا مساوی بر تعینده یوقدر. تعیناتدن هر بر تعینه حقت بر نسبت خاصه می واردر که اول نسبت ذات ایلہ اسمای الهیه دن بر اسمدر. تعینات غیبیه و شهادیه نك کایسنی انك تعینی جامع اولمله حق. ظهور کلی ایلہ ذات محمدیه ده ظهور ایتشددر. امر وجود و امر نبوت آنکله بدأ اولوندیغندن (فکان نبیاً و آدم بین الماء والطين) قولیه حضرت آدم علیه السلام ماء ایلہ طین بیننده ایکن نبوت محمدیه نك حقیقتده وقوع بولدیغنی ایما بیورمشلردر (لانی بیعدی) حدیث شریفی منطوق منیفنجه نشأت عنصریه سیله خاتم النبیین اولدیغنی و بوقول

ایلہ امر نبوت ذات محمدیه لرله ختام پذیر اولدیغنی بیان بیورمشلردر.

جناب فاطر اقدس نور محمدیه جمیع انوار نبویه می و ارواح اولیائی جمع ایتدی حضرت فخر کائنات اکمل موجود واجمع صور وجود اولدیه حکمت الهیه دخی ذات محمدیه ده اکمل واجمع وجه اوزره ظهور ایتشددر. (الیوم اکملت لکم دینکم) امر نبوت و امر دین و امر کمال ظهور آنکله اختتام پذیر اولدی.

توحید حقیقی

توحید ایمانی، علمی، حالی، الهی کبی بر طاقم توحیدات واردر که بونلرک جمله سی راه وحدتی کوستر. توحید ایمانی بنده، جناب فاطر اقدسك معبودیتیه استحقاقك توحیدینه آیات و اخبار اشاره تیلہ لسانیه تصدیق زبانیله اقرار ایلدکر که اشبو توحید مخبر صادق تصدیق نتیجه سیدر. علمای صوفیه ضرورت ایمان حکمیه کافه مؤمنینك بو توحیده اشتراکنه ذاهب و سائر مراتب توحیدده منفرد بولندقلرینه قائل اولمشلردر.

توحید علمی توحید رسمیدر که: درجه اعتباردن سافطدر صاحب ذکا ودها اولان برکیمسه کتب فلسفی مطالعه ایتسکله ویا توحیده متعلق بعض سوزلر ایشتمکله معنای توحیددن بر صورت قبلنده ارتسام پذیر اولور. بوسبیدن بعض مناظره و مناقشه لرده بی معنا سوزلر سویلر که بویله اولان کیمسه ده ذوق توحیددن اثر یوقدر توحید علمی توحید حالی ایلہ امتزاجدن خالی دکدر.

« و مزاجه من تسنیم عیناً یسرب به المقربون » بو توحید شرابنك و صفیدر. اهل توحید اکثریا ذوق و سرورده اولور. بتون حرکات و سکنا تنده اوهم مفروضه ذاتیه و اوصاف موهومه بشریه دن برپارچه قالور که شرک حنفی بو توحید صاحبندن بالکلیه رفع اولماز توحید حالی ده حال توحید موحرك ذاتیه وصف لارم اولور. جمله ظلمات رسوم، وجود نور توحیدك اشراقنده تلاشی واضمحلال پذیر اولور.

نور آفتابده کواکب انواری مندرج اولدیغنی کبی « فلما استبان الصبح ادرج ضوءه بانسقاره اضواء انوار الکواکب » بوبابده موحرك وجودی جمال وجود واحدك مشاهده سنه کال مستغرق ایلہ عین جمع اولمش اولور واحدك ذات حقتندن غیری انك نظر شهود نده هیچ برشی کورونمز بر درجه ده که بو توحیدی دخی واحدك صفتی کورور فقط کنیدنك صفتی کورمز

و بو رؤی دخی آنک صفتی کورور و کندینک وارلی بو طریق ایله قطره کبی امواج بحر توحیدک تلاطمی تصرفه دوشوب غرق جمع اولور . تنکیم شیخ الطریقه جنید قدس سره بیورمشدر « التوحید معنی یضمحل فیہ الرسوم ویندرج فیہ العلوم ویکون الله کما لم یزل »

[مابعدی وار]

اعتقاداتدن بر نبذه

برنجی فرقه : حضرت ادم علیه السلامه اولان کمال محبتلی و حال حیاتنده کندیسینه خدمت و اطاعتی عینی حق تعالی حضرتلرینه عبودیت و قربت اعتقاد ایلدکلی جهته عالم اخرتی تشریف نردن صکره جسم عالیری شکلنده طاشدن بر صورت یابوب حضرت آدمی تعظیم واکا اولان محبتلری اثبات ضمننده اول صورته خدمت و نظر و محبت ایدرلر ، وکویا تمثاله بو وجهله خدمت محبتک عندالله مفید اوله جغنی اعتقاد ایلرلر ایدی . مرور زمان ایله شو مقصد ضایع اوله رق عادتاً اول حجر مصنوعه توجه و عبادت اولومغه باشلادی ؛ ایشته عبادت اوئانک سببی و مبدئی بودر .

ایکینجی فرقه : لسان علمای شریعتده طبعیون دنیلان فرقه درکه ، بونلر اصنامه عبادتی رد ایله موجودانک اصلی اولان طبایع اربعیه عبادتی ترجیح ، و اوئان هر قفنی شیدن یاپیلور ایسه یاپیلسون طبایع فرعی اوله جغندن هر حالده اصله عبادتک اولی اوله جغنه حکم ایله حرارت برودت بیوست رطوبتدن عبارت اولان طبایعه توجه ایلشلردر .

اوجنجی فرقه : کذلک لسان علماده فلاسفه دنیلان فرقه درکه بونلر طبایع وجودی اقرار ایله برابر حد ذاتنده بر حرکت اختیاریه مالک اولماق ادعایله انلره توجهی رد ایده رک ، کواکب سبعه تک تقدیس اولنسی لزومنه ذاهب و بونلردن یعنی رخل و مشتری و مریخ و شمس و زهره و عطارد و قردن هر بری کندی محورنده دائر و موجوداته نفع و ضرری شامل اولدیغندن کائناتده متصرف دیمک اولوب شو حالده انلره توجهک دهها مناسب اوله جغنه حکم ایتشلردر .

دردننجی فرقه : کذلک لسان علماده ثانویه دنیلان فرقه درکه بونلر کرک طبایع و کرک کواکب جملة نور و ظلمتدن عبارت اولدیغندن ، نور مطلق و ظلمت مطلقیه عبادتک اولی اوله

جغنه حکم ایدرک بلا تخصیص هر نرده بر ضیا ویا بر ظلمت کورمشار ایسه اوکا عبادت ایتمش ، و نوره یزدان و ظلمتسه (هر من نامی ویر - مشلردر .

بشنجی فرقه : مجوسیلردر بونلر دخی موجودانک کویا ماباه الحیاتی تدقیق ایله انک حرارت غریزیه معنویه دن عبارت اولدیغنه ، و بو حرارتک صورت وجودیه سی آتش اولوب شو حالده کائناتک قوامی انجق نار ایله حاصل اوله . جغنه حکم ایله آتسه عبادت ایتشلردر .

التنجی فرقه : دهریون و ملاحده تسمیه اولنان فرقه درکه بونلرک دخی پک چوق اقسامی واردر ؛ علماسی حق تعالی حضرتلری منکر اولیوب ، و علة العمل نامیه وجود خالق مصدق اولوب انجق کائناتده هر نه واقع اولمقده ایسه و یاخود واقع اوله جق ایسه واجب الوجود حضرتلرینک ترتیب و تنسیقی اوزره اولدیغندن و ارحام لسانک رفع و ارضک بلع ایتمی جمله تنسیقاندن بولندیغندن عبادتک قطعاً فائده سی اولیه جغنه حکم ایله عبادتک رأساً لزوم ترکنه ذاهب اولشلردر .

یدنجی فرقه : اهل کتاب اولوب بونلرده درت طائفه درکه انلره بالاده بیسان ایلدیکمز اون فرقه ختام بولور . بری براهمه دنیلان فرقه در ، بونلرک اعتقادلری شو وجهله درکه کائناتک جمله سی حق تعالی حضرتلری یرامشدر . و اصلا پیغمبرلر کوندر مامشدر . بونکله برابر کندیلری حضرت ابراهیم علیه السلامه نسبت ایدرک دیرلرکه ، بزم یدیمزده بالذات حضرت ابراهیم علیه السلامک کنندی طرفندن ترتیب اولمش بش جزؤ کتاب واردر . درت جزئی هرکسک تلاوت الیسی جائزدر بشنجی جزئی یالکیز خواص تلاوت ایتلیدر . و بونلردن بر فرقه دهها تشعب ایدرک اوئانه طیارلر ایسه ده اصل براهمه انلری رد ایدرلر . شو طائفه لردن هندستانده واردر .

ایکینجی طائفه : یهودی طائفه سیدر بو طائفه موسویلردر . توراۃ شریف حکمنجه حق تعالی توحید ایله کونده فرض اوله رق ایکی وقت نماز قیلمغه و سنه ده فرض اوله رق یوم عاشوراده اوروج طومغه و هر هفته جمعه ایتسی کونی اعتکاف ایتمه مجبوردرلر . و بو اعتکاف کیفیتی جمعه ایتسی کونی هیچ بر فرد کنندی خانه سنه ماله و طعامه متعلق هیچ بر نسنه ادخال ایلامک و خانه سندن او مقوله شی چیقارماق و نکاح و بیع و شرا ایتماک و جمعه کونی

بعد الغروب اعتکافه بدأ ایتک خصوصاً نردن و سائرهدن عبارتدر عبادتلرینه متعلق فروعه ده طرفه ماده سی ، و اعتکافک بهمه حال صغوق صو ایله اولسی ، و فرض اولان نمازک مطلقاً اون کشیدن مرکب جماعته و معبدده ادا ایدلسی ، و صیامک دخی اخشام اویقویه یا تمقله مفروض اولسی یعنی کبیجه یاندقندن صکره قالقوب طعام و جماع ایتک جائز اولماسی و سائر کبی پک اغری تکلیفات ایله مکلفدرلر .

اوجنجی طائفه : نصارادر بو طائفه عیسویلردر . بر چوق فرقه لره منقسم اولوب ایچلرنده اک اول تشریح اعتقاد ایدنلر واجب تعالی حضرتلرینک حضرت عیسی علیه السلام و حضرت مریم علیهما السلام ایله روح القدسه بلا تجزی حلول ایتمش و قدیم اولدینی حالده محدث اولان حضرت عیسی ده ظهور ایتمش ، اولدینی بیان ایتدیلر ، و بو سوزلری مفسر اولق اوزره علماسی دخی شویله دیرلرکه حق تعالی حضرتلری واحد بالذاتدر صفات مع الذات اعتباریه اوچدر ، یعنی اقانیم ثلثه دنیلان اب ابن و روح القدس شو دیمک که اب ذات الله ایله صفات ذاتیه دن اولان وجوددر . و ابن ذات الله ایله صفات ثبوتیه دن اولان علمدر ، و کله دن مراد بودر و روح القدس دخی الله ایله کذلک صفات ثبوتیه دن اولان حیاتدر صکره تشعب ایدن فرقه لر ایچنده پک مستهجن اعتقادلر بولنوب انجق موضوع بحث و مناظرده خرستیان علماسی اول اعتقادلری عوام کلامی دیهرک رد ایله فرقه لرک کافه سی اتی الذکر اوج طائفه یه حصر ایدرلر .

(بری) مسکانه درکه بونلر لاهوتدن یعنی حق تعالی دن بر جزؤ ناسوته یعنی عالم انسانه حلول ایدرک حضرت عیسی تک جسدیه اتحاد و التصاق ایلدی و امر قتل و صلب جزؤ ناسوت اوزرینه واقع اولدی دیرلر ؛ دیگر فرقه دخی یعقوبیه دنیلان طائفه در بونلر ایسه دیرلرکه کلمه الله لحم ودمه مبدل اوله رق حضرت عیسی دن عبارت اولدی .

نعت شریف

نور اعظم سین حبیب الاهد عنوان سکا
غبطه ایلر پرتو رخشان حسن و آن سکا
یوکسایر کوکم دوشوندکجه علو مشربک
بکزه من رفعتده دوران ایچره برانسان سکا